

würden verhoffentlich ihren Irrthumb endlich fahren lassen/ oder ja hinfüro viel Christlicher vnd Brüderlicher gegen vns gesinnet seyn.

Nu ist zwar diese hundert Jahr hero so viel hiervon gelehret vnd geschrieben/ das niemand einige entschuldigung seiner vnwissenheit fürwenden kan. Weil sie sich aber dennoch vornemlich darauff zu beruffen pflegen/ das wir immer auff frembden grund bauen/ vnd da wir schon etwa die Schrifft einführen/ dz wirs doch nicht in der Einsatzung Christi/ sondern entweder in den andern Sacramenten Altis vnd Newen Testaments/ oder nur in Parabeln vnd Gleichnispreden/ oder im 6. cap. Joh. oder in der Himmelfahrt Christi/ vnd andern Artickeln des Glaubens/ vnd daruff gefolgerten consequentien suchen/ vnd sie hiemit von den Worten der Einsatzung/ welche doch se des propria, der eigentliche Hauptgrund dieser Lehre sein sol/ dabey sie einig vñ allein zuverbleiben gedenccken/ abführē wolten: So habe ich ihnen solche entschuldigung/ hievor mit diesem Beweis zubenehmen/ vnd zwar auff begehren derjenigen/ denen ich hierin zu gehorchen schuldig gewesen/ mich vnterfangen: Darin ich Erstlich auß den Worten der Einsatzung selbst gezeiget vnd dargethan/ das die Lehre unserer Kirchen/ von der allein seligmachenden Gemeinschaft des Leibes vñ Blutes Christi/ nicht in blinder Vernunft/ sondern in den Worten des Herren/ vnd zwar nicht nur in einem/ zweyen/ dreyen/ sondern in allen vnd jeden Worten/ Ja fast in allen Syllaben der Einsatzung gegründet: Dagegen das ihre Opinion von der Leiblichen

Gegen-